

Lu cumpliannu di Gesu'

Ogni annu, quannu arriva lu Natali,
tutti siemmu cunfusi e 'nchiffarati,
cu pripara dolci, cu pensa a li riali,
siemmu 'mmitati? o amma 'mmitari?

Tutti quanti sti pinsera 'nni li menti:
"chist'annu riala picca e nenti...".
Ma...li picciliddri..., l'amici, li parienti,
ma cuemu si fa a ristari indifferenti!

C'è crisi? Tassi? quantu cosi di pagari !
ma lu Statu giustu a dicembri avia 'ncassari?
li spisi vannu sempri cchiù a pisari,
ma tantu iddru, riala nun ava a fari.

Li luci 'nni li strati fannu a gara cu li stiddri,
li balcuna decurati cu li fila 'lluminati,
preparati a festa li negozi puru iddri,
spirannu sempri chiù 'ncassi 'ncrimintati.

Forsi ancora nun ammu 'ntirprittatu,
chiddru ca lu Natali voli diri,
ma è comu si l'avissimu scurdatu,
lu messaggu ca Gesù vulia lassari.

Puvirtà, viulenza a li carusi, guerra, duluri!
su cosi veramenti vriugnusi!
Cori, cumprinsioni, altruismu, amuri,
abbastanu a far testa a 'sti surprusi?

Ogni annu lu Bammineddru 'nni cunsiglia,
di mintiri pì riala di Natali,
amuri, cori, ginirusità, famiglia,
sempri doni su, ma inusuali.

Veramenti, sempri Iddru 'nni l'ha dittu,
"Amativi l'un l'antru pi favuri".
Stu cunsigliu, nuantri, mai seguitu,
e cunsiguenza nun è antru ca duluri.

Dici lu Bamminu:

"I u nun ci capisciu propriu nenti,
Natali è lu mà compleannu,
e tutti quanti allegramenti,
li riala tra iddri si li fannu.

Chissi cosi a mia nun su graditi,
ascuntati li mà suggerimenti,
e la cuscenza pulita sempri avriti,
si seguiti li mà cumandamenti.

Priati la Matri mia prima di tuttu,
fra di vuantri l'odiu eliminati,
tiniti l'arma pulita, soprattutto,
e tutti l'antri piccati cancellati.

Chissu è lu cunsigliu ca vi dugnu I u,
e lu rialu chiù granni ca ci sia,
nun è griffatu pircarità di Diu,
è lu donu ca chiù piaci a mia!"

Benedetta Caruso!

Caniattì 13/12/07

